## ПАСТДАРҒОМ ТУМАНЛАРАРО ИҚТИСОДИЙ СУДИ Ажрим

Даъво аризасини кўрмасдан қолдириш тўғрисида

31.05.2024 йил

Пастдарғом тумани

Пастдарғом туманлараро иқтисодий суди, судья Л.Асатов раислигида, судья ёрдамчиси Э.Бойзоков суд мажлиси котиблигида, Ўзбекистон фермер, дехкон хўжаликлари ва томорка ер эгалари Пастдарғом тумани Кенгашининг даъвогар — «Зарбдор хосилдор замин даласи» фермер хўжалиги (бундан буён матнда ф/х деб юритилади) манфаатида жавобгар — «Самарканд камалак инвест текстил» масъулияти чекланган жамияти (бундан буён матнда МЧЖ деб юритилади)га нисбатан берган даъво аризаси бўйича ишни, суд биносида, очик суд мажлиси мухокамасида, даъвогар вакили адвокат С.Худайбердиев (ишончнома ва ордер асосида), жавобгар вакили Ж.Умаров (ишончнома асосида)лар иштирокида кўриб, куйидагиларни,—

## аниклади:

Ўзбекистон фермер, деҳқон ҳўжаликлари ва томорқа ер эгалари Пастдарғом тумани Кенгаши даъвогар — «Зарбдор хосилдор замин даласи» ф/х манфаатида жавобгар — «Самарқанд камалак инвест текстил» МЧЖга нисбатан судга даъво аризаси билан мурожаат қилиб, жавобгар ҳисобидан даъвогар фойдасига 598 126 113 сўм дебитор қарз, 143 550 267,12 сўм пеня ва почта харажатларини ундиришни сўраган.

Суд мажлиси муҳокамасида иштирок этган даъвогар вакили судга 28.05.2024 йилги медиация тартиб-таомилини амалга ошириш тўғрисидаги 1-сонли келишув, 31.05.2024 йилги медиатив келишув ва кўшимча ҳужжатларни такдим этиб, иш бўйича тушунтириш бериб, даъвогар ва жавобгар ўртасида медиатив келишув тузилганлиги сабабли даъво аризасини кўрмасдан қолдиришни сўради.

Суд мажлиси муҳокамасида иштирок этган жавобгар вакили иш бўйича тушунтириш бериб, даъвогар ва жавобгар ўртасида медиатив келишув тузилганлиги боис даъво аризасини кўрмасдан қолдиришни сўради.

Суд ишдаги хужжатларни ўрганиб, даъвогар ва жавобгар вакиллари тушунтиришини тинглаб, куйидагиларга мувофик даъво аризасини кўрмасдан колдиришни лозим деб топди.

Ишдаги хужжатлардан аниқланишича, даъвогар ва жавобгар ўртасида профессионал асосда медиаторлик фаолиятини амалга оширувчи медиатор Шукуров Вахоб Джамилович иштирокида 28.05.2024 йилда медиация тартибтаомилини амалга ошириш тўгрисида 1-сонли келишув ва 31.05.2024 йилда медиатив келишуви тузилган.

Тарафлар ўртасида тузилган медиатив келишувнинг 2.1-бандига кўра жавобгар даъвогарга 598 126 113 сўм дебитор қарз, 143 550 267 сўм пеняни 31.12.2027 йилга қадар тўлик тўлаб беришни ўз зиммасига олади. Кредиторнинг ўзи кўрсатган хисобракамига Ўзбекистон Республикаси миллий валютаси (сўм)да пул кўчириш йўли билан тўлик ўтказиб беради.

Аникланишича, профессионал асосда медиаторлик фаолиятини амалга оширувчи медиатор — Шукуров Вахоб Джамиловичга 15.09.2022 йилда Ўзбекистон Республикаси Адлия вазирлиги медиаторларни тайёрлаш махсус ўкув курсини тугатганлиги тўғрисидаги МТ 001261-ракамли сертификат берилган.

«Давлат божи тўғрисида»ги Ўзбекистон Республикаси Қонуни 18-моддаси 1-қисми 9-бандига мувофиқ агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи ундирилмайди. Бу ҳақда Ўзбекистон Республикаси Олий суди Пленумининг 19.12.2020 йилги «Иқтисодий ишлар бўйича суд харажатларини ундириш амалиёти тўғрисида»ги 36-сонли Қарори 12-бандида ҳам тушунтириш берилган.

Бинобарин, суд Ўзбекистон Республикаси Иқтисодий процессуал кодекси 107-моддаси 5³-бандига мувофик Ўзбекистон фермер, деҳқон ҳўжаликлари ва томорқа ер эгалари Пастдарғом тумани Кенгашининг даъвогар — «Зарбдор хосилдор замин даласи» ф/х манфаатида жавобгар — «Самарқанд камалак инвест текстил» МЧЖга нисбатан берган даъво аризасини кўрмасдан қолдиришни, қонунга асосан иш бўйича давлат божи ундирмасликни, почта харажатларини даъвогар зиммасида қолдиришни лозим деб топди.

Юқорида баён этилганларга кўра Ўзбекистон Республикаси Иқтисодий процессуал кодекси 107-моддаси 5<sup>3</sup>-банди, 108, 195-196-моддаларига риоя қилиб, суд,—

## ажрим қилди:

Ўзбекистон фермер, деҳқон хужаликлари ва томорқа ер эгалари Пастдарғом тумани Кенгашининг даъвогар – «Зарбдор хосилдор замин даласи» ф/х манфаатида жавобгар – «Самарқанд камалак инвест текстил» МЧЖга нисбатан даъво аризаси курмасдан қолдирилсин.

Даъвогар томонидан тўланган почта харажатлари ўз зиммасида қолдирилсин.

Ажримдан норози бўлган тарафлар бир ой давомида шу суд орқали Самарқанд вилоят судига апелляция тартибида шикоят беришга (протест келтиришга) ҳақли.

Раислик қилувчи

Л.Асатов

